



Na osnovu Odluke Senata Univerziteta "Džemal Bijedić" u Mostaru 101-1443/18 od 31.5.2018. godine raspisuje se

KONKURS

za prijem studenata u Studentski dom u Mostaru
u akademskoj 2018/2019. godini na smještaj i ishranu

Član 1.

U akademskoj 2018/19. godini Studentski dom u Mostaru izvršit će prijem 180 studenata, državljana BiH i stranih državljana, upisanih u statusu redovnih studenata Univerziteta "Džemal Bijedić" u Mostaru prema utvrđenim kriterijima.

Član 2.

Učesnici Konkursa dužni su dostaviti:

1. Prijavu - molbu (obrazac) za prijem u Studentski dom (obrazac prijave preuzima se zgradi Rektorata Univerziteta na II spratu kod referenta za studentska pitanja);
2. Uvjerenje visokoškolske ustanove da je redovan student sa potvrdom o položenim ispitima iz prethodnih studijskih godina (ili ovjerena kopija indeksa sa ocjenama);
Studenti upisani na I godinu studija podnose ovjerenu kopiju svjedočanstva iz IV razreda srednje škole,
3. Potvrdu / uvjerenje o osvojenim nagradama na nastavnim i sportskim takmičenjima (na kantonalnim, federalnim, državnim i međunarodnim takmičenjima),
4. Potvrda o stepenu invalidnosti (lične, roditelja ili staratelja)
5. Potvrda o poginulim, nestalim i umrlim članovima uže porodice
6. Potvrda o učešću u OS BiH roditelja (provedeno vrijeme)
7. Potvrda o logoraškom statusu roditelja (izdata od Međunarodnog crvenog križa)
8. Uvjerenje o zajedničkom domaćinstvu (kućna lista) i o primanjima po članu domaćinstva (materijalni cenzus) po osnovu:
 - plaće, penzije i druge prinadležnosti (prosječno zadnja tri mjeseca)
 - ukupnog godišnjeg katarstarskog prihoda
 - potvrda Zavoda za zapošljavanje o nezaposlenosti roditelja
9. Potvrda o izbjegličkom statusu
10. Potvrda o mjestu stalnog boravka i ovjerena kopija lične karte

Navedena dokumenta moraju biti izdata od nadležnih institucija i ne smiju biti starija od 6 mjeseci.

Član 3.

Rangiranje kandidata obavit će Komisija za prijem studenata na osnovu utvrđenih kriterija i zbrajanja ukupnog broja bodova određenih primjenom kriterija na podatke iz dostavljene dokumentacije koja se traže ovim Konkursom.

Rang lista objavit će se na oglasnim pločama organizacionih jedinica Univerziteta i Studentskog doma najkasnije do **5. septembra 2018. godine.**

Prigovor na rang – listu podnosi se Upravi Studentskog doma u roku od tri dana po njenom objavljivanju. Općine, kantoni ili druga pravna lica koja su izmirila obaveze iz prethodne akademske godine, po osnovu potpisanog Protokola ili Ugovora o subvencioniranju smještaja i ishrane studenata u Studentskom domu Mostar, osiguravaju studentima prednost u prijemu.

Član 4.

Studenti upisani na I godinu studija (brucoši) dužni su potvrdu o upisu na visokoškolsku ustanovu dostaviti prilikom zaduživanja u Studentskom domu.

Studenti starijih godina koji su privremeno primljeni po Konkursu u Dom, obavezni su dostaviti potvrdu o upisu u visokoškolsku ustanovu u akademskoj 2018/2019. godine do 31.10.2018. godine radi regulisanja smještaja. Ukoliko to ne učine u predviđenom roku, gube pravo na smještaj.

Član 5.

Potpisane prijave sa dokumentacijom se dostavljaju neposredno ili putem pošte u zatvorenoj koverti, na adresu:

**Univerzitet „Džemal Bijedić“ u Mostaru
Sjeverni logor b.b. , 88104 Mostar**

NA KOVERTI JE POTREBNO NAZNAČITI:

Prijava na konkurs za prijem studenata u Studentski dom u Mostaru, u akademskoj 2018/2019. godini na smještaj i ishranu

Na poleđini koverte treba biti naznačeno : *ime i prezime kandidata, adresa i kontakt telefon.*

Nepotpune i neblagovremene prijave, kao i kopije tražene dokumentacije koje nisu ovjerene, neće se uzimati u razmatranje.

Javni konkurs ostaje otvoren **15 dana** od dana objavljivanja u dnevnom listu "Dnevni avaz".